



穆宗毅皇帝實錄（一）

卷一至卷五  
咸豐十一年至同治元年

# 清實錄

第四五冊

中華書局影印

# 清實錄第四五冊目錄

穆宗毅皇帝實錄(一)

首卷一 序

四七八三五

首卷二 凡例

四七八四〇

首卷三 目錄

四七八四八

首卷四 進實錄表

四七八六九

修纂官

四七八八〇

卷一 咸豐十一年七月

四七九〇四

卷二 咸豐十一年八月上

四七九二五

卷三 咸豐十一年八月下

四七九四〇

卷四 咸豐十一年九月上

四七九五六

卷五 咸豐十一年九月下

四七九六八

卷六 咸豐十一年十月上

四七九八四

卷七 咸豐十一年十月中

四八〇一〇

卷八 咸豐十一年十月下

四八〇四〇

卷九 咸豐十一年十一月上

四八〇六六

卷一〇 咸豐十一年十一月下

四八〇八九

卷一一 咸豐十一年十二月上

四八一〇

卷一二 咸豐十一年十二月下

四八一三八

卷一三 咸豐十一年十二月中

四八一七一

卷一四 咸豐十一年十二月下

四八二〇四

卷一五 同治元年正月上

四八二三三

卷一六 同治元年正月中

四八二六二

卷一七 同治元年正月下

四八二九二

卷一八 同治元年二月上

四八三二四

卷一九 同治元年二月中

四八三四九

卷二〇 同治元年二月下

四八三七〇

卷二一 同治元年三月上

四八三九四

卷二二 同治元年三月中

四八四二三

卷二三 同治元年三月下

四八四四八

卷二四 同治元年四月上

四八四七九

卷二五 同治元年四月中

四八四九八

|     |          |       |
|-----|----------|-------|
| 卷二六 | 同治元年四月下  | 四八五二六 |
| 卷二七 | 同治元年五月上  | 四八五五六 |
| 卷二八 | 同治元年五月中  | 四八五七九 |
| 卷二九 | 同治元年五月下  | 四八六一一 |
| 卷三〇 | 同治元年六月上  | 四八六三五 |
| 卷三一 | 同治元年六月中  | 四八六六二 |
| 卷三二 | 同治元年六月下  | 四八六七  |
| 卷三三 | 同治元年七月上  | 四八七一五 |
| 卷三四 | 同治元年七月中  | 四八七四一 |
| 卷三五 | 同治元年七月下  | 四八七六一 |
| 卷三六 | 同治元年八月上  | 四八七九一 |
| 卷三七 | 同治元年八月中  | 四八八一七 |
| 卷三八 | 同治元年八月下  | 四八八四六 |
| 卷三九 | 同治元年閏八月上 | 四八八七九 |
| 卷四〇 | 同治元年閏八月中 | 四八九〇一 |
| 卷四一 | 同治元年閏八月下 | 四八九二九 |
| 卷四二 | 同治元年九月上  | 四八九五九 |
| 卷四三 | 同治元年九月中  | 四八九八九 |
| 卷四四 | 同治元年九月下  | 四九〇一〇 |
| 卷四五 | 同治元年十月上  | 四九〇三八 |
| 卷四六 | 同治元年十月中  | 四九〇六八 |
| 卷四七 | 同治元年十月下  | 四九一〇〇 |
| 卷四八 | 同治元年十一月上 | 四九一三三 |
| 卷四九 | 同治元年十一月中 | 四九一五三 |
| 卷五〇 | 同治元年十一月下 | 四九一八七 |
| 卷五一 | 同治元年十二月上 | 四九二一九 |
| 卷五二 | 同治元年十二月下 | 四九二四九 |
| 卷五三 | 同治元年十二月下 | 四九二八〇 |

穆宗毅皇帝實錄序

我國家受

天成命締造丕基

歷聖重光詒謀垂裕用能方夏戴

德景運日新揚無斁之庥成中興之瑞洪維我

穆宗毅皇帝天錫勇智純孝昭格自成豐十年

八月隨侍我

皇考文宗顯皇帝秋獮木蘭次年承

命就傅山莊

聖德日躋少成若性辛酉七月

皇考晏駕仰膺

付託之重卽奉

兩宮

皇太后回鑾惟日孜孜事

親典學勤求治理無間始終一十三年不遑旡

夕親政以後憂勞益勤方冀鼎盛春秋

昊天篤祐乘乾行健日進無疆詎意末疾偶膺

寢至大漸上睽

慈訓下棄臣民率土哀號瞻

天何極肆予冲人屬當

神器幸賴

兩宮

皇太后撫臨鞠育訓誨周詳事有遵循冀無隕

越謹依成憲命儒臣恭纂

實錄閱五年而書成凡三百七十四卷日星炳

煥江海淵深美備悉臻足昭萬古粵稽往

聖握符臨御大經大法總以敬天法祖勤

政愛民為先

穆宗自在冲年端居宸極每逢

大祀雖命諸王恭代而

深宮齋戒肅於臨事洎

兩宮

皇太后將行歸政先承

慈命躬泣

郊壇凡

園丘

方澤

上辛

常雩虔恭寅畏翼翼維嚴

蹕路清塵先期出舍祁寒暑雨容止益莊俎豆

馨香百神受職臣民觀感駭奔恐後其對

越之誠有如此者昔我

皇祖宣宗成皇帝聖懷淵若盛美不居遺命身

後遂罷

郊配

升祔之禮我

皇考以大孝之心述

在天之志爰議尊崇大典自

宣宗成皇帝以後不得更請

穆宗博咨廷議詳考禮經於

升祔則克永孝思於

郊配則仰遵

成命追念

孝德顯皇后作配

皇考坤儀天合尊親享祀罔弗加隆甫及勝衣

卽降

旨親饗

太廟潔蠲裸獻優恤如聞及泣萬幾卽奉

兩宮

皇太后分年恭謁

東西兩陵瞻望

橋山悽愴感格其紹述之殷有如此者自在諒

闇卽奉

慈命赴弘德殿讀書朝夕討論留神政事時雖

仰稟

兩宮恭默不言而用人行政之方無微不照適

四方多故廷臣

召對風雨無聞

負宸端嚴絕無倦色逮至

兩宮歸政宵衣旰食寢處不遑凡禮樂兵農軍

情洋務事無鉅細綜攬靡遺馴至寢疾彌

留猶復焦勞國是上請

兩宮暫管萬幾一切章奏力疾披視兢兢以怠

荒為慮其數布之勤有如此者元二之初

東南羹沸民生之戚日抱惘惘時降

詔招徠冀紓水火逮金陵克復江浙蕩平即普

免同治三年以前民欠錢糧其後山東河

南直隸陝西凡被捻回蹂躪之區烽燧既

清

恩膏立沛滇黔大定隴省肅清

詔予蠲除悉如江浙之例江北山東黃河決溜

隄圯莫保漕運為憂歲發帑金動以億萬

數畿輔永定河溢不常籌賑災黎修營隄

岸如傷之念時切疇咨其餘各省水旱偏

災疆吏上聞

綸音卽下議蠲議緩惟恐後時甚至截漕粟以

贍飢民設粥廠以活餓者卽兩次謁

陵禮畢

鑾輅所經無不薄其差徭寬其賦稅其子惠之

深有如此者若夫揆文奮武之謨修己治

人之道則又謹承

家法垂範百王

穆宗天縱聰明尊師好學自在青宮

皇考命李鴻藻為上書房師傅暨正

大位

兩宮

皇太后先後命翁心存祁寯藻倭仁徐桐翁同

龢林天齡在弘德殿行走

緝熙懋學勤若儒生凡經訓之醇深史文之美

富鉤稽矻矻融貫一心故發為文章垂為

訓誥皆能闡微燭隱覺牖斯民

申命儒臣務端士習正科五舉慶榜一開直省

有因寇警緩試者疆場甫靖

立命補科或值試期卽令帶補其因捐輸奏請

加廣中額學額者既沛

恩命以廣登庸復

示限制以昭覈實惟以樂育人才振興學術為

致治之要故多士雲蒸俊髦藹藹其文教

之盛有如此者。粵寇鴟張。海隅魚爛。

皇考簡任曾國藩為兩江總督。欽差大臣督辦。

江浙軍務。

穆宗繼御。首簡綸扉。委任益專。戎行愈奮。復用。

李鴻章。曾國荃。左宗棠等。數揚。

廟算。指授機宜。數載之間。東南底定。擒渠犂穴。

天討大伸。凡洪秀泉。洪福瑱。李秀城。李侍賢。汪。

海洋。石達開。諸兇酋。駢首受誅。無有漏網。

又殲苗沛霖於皖北。戮陳玉城於河南。羣。

帥效能。士卒用命。然後先除逆揔。次掃亂。

回。張總愚。賴汶洸。僵踣於先。杜汶秀。梟夷。

於後。南窮蒙詔。西極酒泉。一洗腥羶。盡歸。

版籍。論功行賞。五等以差。其武功之烈。有。

如此者。遇災修省。哲王所先。

穆宗率履不愆。冰淵惕若。躬行節儉。為天下先。

每聞微予之言。輒下罪己之詔。己巳之歲。

書殿偶災。減膳卑衣。深自刻責。癸酉之冬。

詔修圓籙。以奉。

慈歡。嗣以軍務未竣。虛懷納諫。

明綸停止。捷於轉圜。其戒懼之誠。有如此者。國。

有典刑。親貴不貸。卽位之初。卽明正載垣。

端華。肅順之罪。大奸既去。百辟畏威。他若。

陳孚恩。黃宗漢。之植黨弄權。何桂清。勝保。

之殃民債事。或投禦魑魅。或分賜刀繯。俾。

海內咸知威福之不可妄干。恩寵之不可。

固恃。小廉大法。激濁揚清。其撫馭之精。有。

如此者。至於內行肫全。孝友純備。尤有。負。

絕古今者。

奉養。

兩宮。無微不至。劬勞之報。明發畢生。

侍膳問安。

宮無虛日。上。

陵扶。

輦。躬率干。擲南苑。

閱兵。暫離。

長樂。進鮮獻獲。相望道途。

三晉

徽稱親奉

冊

寶鞠騰盡禮悅懌

慈顏至寢疾稍瘳卽懷

顧復之深恩再議

尊親之大典此則虞舜之大孝也惠親王以近

屬尊行視弘德殿

憲章

身月

九

皇考故事不拜不名復

詔叔父尊行禮同惠邸歲時賜賚恩意有加此

則漢章帝之致敬也

踐阼之始追念二阿哥憫郡王襁褓岐嶷促齡

不祿

特加封諡仰慰

慈懷於榮安長公主顧同氣之無多為天家之

盛事翟車下降恩禮豐隆此則宋藝祖之

篤友也

孝哲毅皇后作儷璇宮

德音克嗣有明德之靜嚴比長孫之直婉視同

賓友

恩眷彌深故

龍馭甫升鳳舉隨逝六宮陰教踵美

思齊此則周文之刑于也仰維

盛德豐功非可殫述敬陳其略昭示來茲他若

富擅藝文編琳瑯之

御製指揮方略輯

身月

十

謨烈之成書倚任親賢褒崇忠義矜恤庶獄愛

護人材絕宦寺之萌節內廷之用推

恩致命欣飛徧逢掖之孤破格旌貞綽楔及未

笄之女所以翔潛咸感血氣知尊梯航萃

於遐陬金馬輸於藩索島夷西極膜拜而

瞻

天比景南交頂禮而祝

聖蓋自來幹旋氣運宏濟艱難本精一於一心

泯幾微於萬事未有如我

穆宗毅皇帝之盡美盡善克始克終者也予沖

人敬承

大統仰纂

鴻猷制治保邦率由悉備玉函金匱紬繹都詳

用縣我大清億萬年之寶祚以永

列祖

列宗之休命是則惟日孳孳無敢或失者爾謹

序

寶文全錄

二

光緒五年十一月

二十五

日

穆宗毅皇帝實錄

修纂凡例

一

登極典禮書

一恭上加上

帝

后尊諡書

冊

寶文全錄

一祀

天

地

太廟

山陵

日

月

社稷

太廟

奉先殿升祔配享祭

堂子年神月神

列祖誕辰忌辰拈香書詣

奉先殿

壽皇殿

雍和宮行禮書遣官行禮亦書

一

皇太后垂簾聽政書欽奉

懿旨全錄

一尊封

皇太后崇上

徽號書

冊

寶文全錄

一恭詣

皇太后宮問安侍奉書

一尊封

皇貴太妃

皇貴妃書

冊文全錄尊封

貴太妃亦書

一

大婚典禮

冊封

皇后書封

妃

嬪皆書

一

皇太后聖壽禮儀祝頌貢獻書

萬壽節

皇后千秋節及除夕元旦上元冬至凡大慶賀

禮儀筵宴舉行停止皆書

一

御殿讀書

御殿視朝皆書

一

親政典禮書

一。祈穀祈雨祈雪皆書。

一。大喪禮儀書奉安。

地宮禮儀碑文書。

一。恭謁。

山陵禮儀賞賚書行圍停蹕皆書。

一。

臨泣親王邸第書。

一。

詔敕。

上諭全錄。

御製各體文有關文教武功民生國政者全錄。

一。纂輯。

實錄。

聖訓。

玉牒。

國史方略。

起居注蒙古王公表傳。

欽定各種書籍皆書。

一。宗室分爵親郡王以下奉恩將軍以上。

冊封襲封晉封及降革皆書冊封王妃。

公主。郡主。郡君。縣主。縣君。鄉君。書宗室。

特恩宴賚書。

一。公主下降。郡主。郡君等出嫁。授固倫額。

駙和碩額駙多羅額駙固山額駙書。

一。異姓王公侯伯子男封授襲替書升降。

黜革亦書。

一。外藩王貝勒貝子公封授襲替書升降。

黜革亦書。

一。文武大臣加三公三少及宮銜書降銜。

復銜亦書。

一。宗人府宗令。宗正人暨府丞領侍衛。

內大臣。內閣大學士。學士。六部理藩院。

尚書侍郎。都察院左都御史。左副都御。

史倉場。

盛京五部侍郎總管內務府大臣。

陵寢總管翰林院掌院學士通政使司通政使

大理寺卿詹事府詹事太常寺卿太僕

寺卿光祿寺卿順天府奉天府府尹及

直隸各省總督漕運河道總督巡撫提

督學政布政使司布政使按察使司按

察使等官除授皆書

一鑒儀衛掌衛事鑒儀使八旗都統副都

統前鋒統領護軍統領提督九門步軍

統領奉天等處直省鎮守將軍都統副

都統提督總兵等官除授皆書

一滿漢文武官員奉使外國外藩書奉差

直省事關重大者亦書

一除授新疆將軍辦事參贊領隊大臣書

一鎮守將軍都統督撫提鎮

陸見書藩臬道府等官曾加

獎訓書州縣等官

召見亦書

一各直省督撫奉

旨派閱營伍書

一保舉翰林八直

南書房

上書房及充補講官書

一內官京察外官大討武職軍政皆書

一親王薨逝書

親臨賜奠書滿漢大學士協辦大學士病卒書

滿漢文武內外大臣以老疾乞休書蒙

恩加銜獎資慰留及起用皆書緣事休致降革

亦書

一滿漢文武內外大小官制鑒衙署添設

更改裁併皆書衙署更移亦書

一文武選法品級考及考課則例有更定

者書刑名律例有更正增添者亦書

一府州縣衛所改設分置裁併皆書立學

定額書

一每歲人丁戶口田地稅糧茶鹽鑄錢之

數並於歲暮書開墾軍屯丈量地畝圖

撥地土編審人丁折徵漕糧蠲除賦役

停罷歲辦諸物並錢法茶鹽權關及俸

祿廩餼軍糧則例有更定者亦書

一漕運事宜書籌辦海運亦書

一官員俸祿行伍錢糧士子廩餼加

恩增給書

一

恩詔蠲賦

特旨免徵發粟賑荒截漕平糶及常例外

特恩普免減賦緩徵皆書

一天象雲物氣候徵應及日食月食星變

地震河決書

一

聖德謙冲不言符瑞凡有臣下稱頌

功德

特頒諭旨加意警勉書

一頒朔進春書

一頒

詔天下書詔文全錄

一每歲祭

歷代帝王廟

先師孔子

先農

太歲凡在祀典諸神遣官祭長白山嶽鎮海

瀆

歷代陵寢

先師闕里書

敕封山川神號書

御書扁額書釐定加崇祀典亦書及載在祀典

神祇拈香亦書

一襲授衍聖公及先賢後裔五經博士書

一王公以下文武大臣蒙

恩賜章服

賜宴書

賜紫禁城騎馬書王公大臣之祖父母父母生

辰蒙

恩賜聯額綺玩亦書

一優禮高年

特恩賞賚

欽賜職銜皆書

一直隸各省鄉試文武會試

殿試傳臚書繕譯鄉會試書文

殿試

策問全錄

特開恩科書增廣鄉會試中額書加增取進府

州縣衛學文武生員書

一

御試翰詹及

欽賜舉人進士一體會試

殿試選庶吉士派教習散館授職皆書

特命薦舉孝廉方正舉行宗室鄉會試增設駐

防中額及大挑舉人拔貢皆書

一國子監及直隸各省學政條例科場條

例有更定者皆書

一遠方外國慕化歸誠遣使進貢書

賜封爵給敕印外藩來朝及遣使進年貢遣人

入學請通市皆書定年貢則例及

特恩減免留抵貢物書宴賚亦書

一王以下奉恩將軍以上民公以下男以

上及在京文武官三品以上在外將軍

都統副都統督撫提鎮等官及外藩王

貝勒貝子公飾終卹典並

賜諡皆書於常例外

特恩優卹亦書

一各路軍營文武大小官員及軍士陣亡

蒙

賞授世職於常例外

特加優卹建立專祠及

特恩賜諡皆書卹典條例有更定者亦書

一旌表八旗各直省孝子順孫義夫節婦

某人等若干名並於歲終書有奇節予

旌者另書

一諸臣條奏奉

旨允行及

特諭飭駁者書彈劾有當允行者亦書

一命將出征調兵籌餉一切

指示方略書軍中奏捷俘馘納降及凱旋迎勞

書其城池被擾用兵克復收復亦書

一

禁城值宿兵丁侍衛皮衣銀兩

巡幸行圍善撲旗租等賞賚皆書

一出征將軍文武大臣及督撫提鎮等以

及軍功加銜

賞授世職世爵書以失誤軍機降革問罪正法

者書

特恩寬宥者亦書其文武大小官員軍功議敘

特恩升賞者並書

一邊遠地方土司酋長歸化投誠宣撫宣

慰等使授職襲職書

一八旗營制及直隸各省水陸標營兵額

兵制及驛傳烽堠添設裁減歸併書

一八旗及直隸各省綠旗軍士奉

恩詔及

特旨頒賞書出征戍防軍士於常例給餉外

特加恩賞亦書

一文武大臣犯罪拘禁遷謫書

特恩寬宥者亦書不論官吏軍民犯叛逆大罪

正法者亦書

一肆赦停刑恤刑榜示皆書

一修葺

壇

廟書營建

萬年吉地書修葺前代

陵寢闕里

文廟凡在祀典諸神廟宇並各省先賢廟宇

書院皆書建設功臣專祠亦書凡

賜御書扁額皆書

一修建

殿廬

禁城門樓及兵丁營房工役重大者書

一經理南北兩河。浙省海塘。疏濬各省及

邊塞地方。河渠水利。建築城垣。修防隄

岸。平治道塗。一切工役。皆書

一恭遇

今上皇帝誕生。謹書

一每歲季春吉巳日祭

先蠶之神

皇后親饗。或遣妃行禮。及遣官致祭。皆書

一

硃批奏摺敬展

丹毫事事皆蒙

訓示。惟原摺有拜發而無批回之日。其按日可

查者。俱應恭載。其無檔案可查。無日可

歸者。統於是月未照憲綱彙載

一奉

旨查詢之件。當時未及奏覆者。應查後文有據

載者。則書尋奏云云。有應追書者。則書

先是云云

一編纂之法。必須恭查

御製詩文集

硃批摺奏

起居注。內記注

官史。軍機檔。絲綸簿。外紀檔。及

國史。方略。三通會典。官纂諸書。而六科史書

一項。每帙一二十寸。每年二百餘帙。一有

未經閱採。動輒漏略。抵牾其中事蹟。或

始見於此。而結案遠在隔年。或奉

旨於前。而議上見諸後月。且檔案不無疑誤。須

按其時事。考其異同。原委脈絡。畫一流

通。尤須與上下各卷。互相考訂。庶脫橐

如出一手。以免歧異